

Igl Signer, Jesus Cristus, turna an curt anavos sen tera. Chegl è en'ampurmischung, tgi El sez ò fatg, cura tg'El viveva avant 2000 onns anc sen chest mond (Gion 14:1-3). Scu savagn nous esser digl tottafatg sieirs tg'El returna veiramaintg en de? Lige las profezeias, tgi igl Signer, Jesus Cristus, sez ò fatg pertutgont la fegn da chest mond. Ena seriosa lectura da chellas scritgiras, cumparegliond cugls evenimaints tgi capetan giò ozande sen chest mond, cumprovan tgi igl Signer, Jesus Cristus, vign a turnar anavos sen chesta tera anc durant la nossa veta.

## 1 DESTRUCZIUN DIGL TAIMPEL

Alloura ò Jesus banduno igl taimpel ed egn da Sies giuvnals è sa viout vers El ed ò musso ad El igls edificis digl taimpel e detg: Mussader, varda chella bela crappa tg'ambellescha igls bietgs cò. E Jesus ò detg ad els: An ver Paid, Ia dei a vous, cò vign betg en crap a restar sen l'oter; tot vign destruia cumplettamaintg (Matia 24:1-2; Marcus 13:1-2; Lucas 21:5-6). **E chegl è veiramaintg sa cumplanaia 70 onns s.Cr.**

## 2 ANSAGNAS DA SIES RETURN

Cura tgi El era tschanto segl Colm dallas Uleivas, visavi agl taimpel, èn igls giuvnals - Peder, Giatgen, Gion ed Andrea nias tar Jesus ed on dumando: Mussader, dei a nous, cura vignan chels evenimaints a capitar? E tge vign ad esser l'ansagna da Ties return e dalla fegn digl mond? (Matia 24:3; Marcus 13:3-4; Lucas 21:7)

## 3 SURMANADERS NIRON

Jesus ò raspundia e detg ad els: seias attents tgi nign n'az surmagna. Blers vignan a neir an Mies nom e deir: Ia sung igl Crist È blers vignan a neir e surmanar. Ord chel muteiv betg suande els (Matia 24:4-5; Marcus 13:5-6; Lucas 21:8).

## 4 GHERAS E TUNGAS DA GHERA

E schi vous santiz da gheras e prieveil da ghera; betg laschez stamentar, chegl tot sto succeder uscheia! Chegl è dantant anc betg la fegn (Matia 24:6; Marcus 13:7; Lucas 21:9).

## 5 GHERAS TRANTER PIEVELS TERATREMBELS | FOMAZS MALSOGNAS

Ed ò detg ad els: en pievel vign a sa rebalzar ancunter en oter pievel ed en reginavel vign a sa dulzar ancunter en oter reginavel. Sen tera vignan a succeder gronds teratrembels, fomazs e malsognas; ed i vign a dar fenomens da sgarschour e grondas ansagnas giu da tschiel (Matia 24:7; Marcus 13:8; Lucas 21:10-11).

6 Chegl è dantant angal l'antschatta dallas deglias (Matia 24:8; Marcus 13:8).

## 7 PERSECUZIUN DIGLS CRISTIANS

De adatg da vusezs! Avant tgi chels evenimaints vignan a succeder, niz vous arrestos e surdos allas dertgiras, vous niz bastunos ainten las sinagogas e mess an parschung e mulestos e mazzos. E vous niz manos, perveia da Me, davant rètgs e guvernatours. È chegl vign ad esser ena caschung da dar perdetga da Me (Matia 24:9; Marcus 13:9; Lucas 21:12-13).

8 E schi vous niz arrestos e manos avant tribunals, betg fasche chitos gio ordavant tge deir u tge rasponder. Pero chegl tgi vign andamaint a vous chel mument, sche chegl pertge betg vous discuiriz, mabagn igl Spiert Sontg. Ia vi dar a vous la sabientscha. Tot voss accusaders vignan betg ad esser capavels da scunterdeir u far opposiziun (Marcus 13:11; Lucas 21:14-15).

## 9 TRADIMAIN AINTEN L'ATGNA FAMIGLIA

Ed alloura vignan blers a neir tradias, persequitos e mazzos. En frar vign a surdar igl agen frar alla mort; en bab igl sies unfant, ameis e paraints; ed unfants vignan a sa rebalzar ancunter lour genitours e procurar tg'els vignan condemnos alla mort. E vous niz

odias da tots perveia da Mies nom. Dantant mianc en tgavel da voss tgea duess eir a perder. Cun esser perseverants niz vous a gudagner la veta per vous (Matia 24:9-10; Marcus 13:12-13; Lucas 21:16-19).

## 10 LA CAREZZA VIGN A SA SFARDANTAR

Damai tgi la schletadad da blers vign a piglier igl suramang, vign la carezza a sa sfardantar aint igl intern. Chel tgi vign dantant a tigneir la deira anfignen alla fegn, vign spindro (Matia 24:12-13).

11 E chel EVANGELI DIGL REGINAVAL DA DIA stò igl amprem neir pradgea segl antier mond scu perdetga a tot igls pievels ed alloura vign la fegn ad esser cò (Matia 24:14; Marcus 13:10).

## 12 SGARSCHOUR DA DEVASTAZIUN A JERUSALEM

Schi vous vazez scu tgi Jerusalem è tschinclò d'ena armada, alloura savez esser sieirs tgi la devastaziun digl martgea è cò (Lucas 21:20). Perchegl: schi vous vazez la *sgarschour da devastaziun*, annunztgeida digl profet Daniel, ad esser aint igl sontg li (chel tgi ligia chegl, duess saveir tgapeir la muntada), alloura lasche fugeir segls colms chels tgi èn an Giudea. E chel tgi è aint igl martgea, duess bandunar el, e chel tgi è sen la tera, duess betg tschartger schurmetg aint igl martgea. E chel tgi è sen en tetg, duess betg descender e neir an tgesa per tschartger ensatgi tgi è lò. E chel tgi è segl fons, duess betg returnar a tgesa per piglier la sia vistgadeira (Matia 24:15-18; Marcus 13:14-16; Lucas 17:31; 21:21). Povras las donnas tgi èn an speranza u tgi dattan latg ad unfants. Ure tgi vous stoptgas betg fugeir durant igl anvien u igl de digl sabbat (Matia 24:19-20; Marcus 13:17-18; Lucas 21:23). Els vignan mazzos tras la spada u manos davent scu parschuniers an otras teras. E Jerusalem vign zappignia antras Paiangs anfignen tgi lour taimp è spiria (Lucas 21:24).

## 13 SGARSCHOUR DURANT IGL TAIMP DA JACOB (Jer 30:6-7)

I vign a riger *chels deis* ena tala misergia e tristezza scu tgi gl'è anc mai do siva dall'antschatta digl mond anfignen oz e tgi vign mai ple a dar. E schi Dia vess betg scursania chel taimp, vess nign carstgang survivia. Ma per l'amour digls carstgangs, eligias tras el, ò el decidia da far fegn a chels deis (Matia 24:21-22; Marcus 13:19-20; Lucas 21:23). Ma chegl è alloura igl mument da vendetga; alloura vign tot chegl tgi stat scretg a sa cumplaneir (Lucas 21:22).

## 14 FOZS CRISTUS E PROFETS

Schi enzatgi dei a te: *varda, cò è Cristus, varda, El è lò!* Betg crei! Pertge fozs Cristus e fozs profets vignan a sa dulzar e demonstrar pussanza e far miraclas ed uscheia ampruar da schizont surmanar igls eligias. Dantant fasche adatg: ia va predetg chels eveniments (Matia 24:23-24; Marcus 13:21-23). Gist perchegl, sch'els deian a vous: *urde, El è aint igl desert!*, betg ge an chel li, u: *urde, El è an tgesa!*, betg carte chegl. Scu igl tgametg sclarescha ena part digl tschiel davent digl ost anfignen cunter seira, uscheia vign'igl ad esser, cura tgi igl Fegl digl Carstgang vign a turnar (Matia 24:26-27; Lucas 17:23-24).

## 15 SEGNS AGL FIRMAMAIN

Immediat siva *chel taimp* da sgarschour, vign igl suglegl a sa stgarrantar, la gligna vign betg ple a glischier e las steilas vignan a crudar giu da tschiel. E las pussanzas celestialas vignan ad esser ord controlla (Matia 24:29; Marcus 13:24-25; Lucas 21:25). E sen tera vign a riger povradad e perplexadad, la mar e las ondas vignan a ramurar, igls cors dalla carstgangadad vignan a snarreir dalla dolour, caschuno digls evenimaints, cun igls quals els vignan a neir confruntos (Lucas 21:25-26).





**16** Allora cumpara **L'ANSAGNA DIGL FEGL DIGL CARSTGANG** agl firmamaint ed an chel mument vign l'antiera carstgangadad a sa lamentar e reclamar; ella vign a veir igl Feigl digl Carstgang tgi descenda sen las neivlas digl tschiel, cun gronda pussanza e maiestousadad. Ed El vign a tarmetter igls Sies anghels cuagl resung dallas posaunas ed els vignan a rimnar igls eligias tgi veivan an tottas direcziuns, d'ena fegn digl tschiel anfignen tar l'otra (Matia 24:30-31; Marcus 13:26-27; Lucas 21:27).

**17** En quei mument, cura quels eveniments succedan, mirei ensivians, alzei vos tgaus, pertgei vies spindrament s'avischina (Lucas 21:28).

**18** Ed El ò detg: amprende dalla sumeglia digl pumer da figs e da tottas plantas! Cura tgi las frastgas èn savurousas e la figlia catscha, allora **vasez e savez tgi la stad s'avischigna. Mademamaintg savez vous, cura tgi tot chegl succeda, tgi igl reginavel da Dia è manevel** (Matia 24:32-33; Marcus 13:28-29; Lucas 21:29-31). Dantant so nign, cura tgi chel de u chell'oura vign ad esser, mianc igls anghels an tschiel ed igl Feigl da Dia; sulettamaintg igl Bab an tschiel so chegl (Matia 24:36; Marcus 13:32).

**19** Scu chegl tgi è sto durant igls **DEIS DA NOA**, uscheia vign ad esser l'arrivada digl Feigl digl Carstgang. Pertge scu durant igls deis digl diluvi e havevan els, maridavan e nivan els maridos anfignen lez de, cura tgi Noa è ia sen l'arca e nign ò realiso enzatge, anfignen tgi igl diluvi era cò ed ò mazzo tots. Uscheia vign igl ad esser, cura tgi igl Feigl digl Carstgang vign a sa mussar (Matia 24:37-39; Lucas 17:26-27).

**20** Uscheia ègl er sto digl **TAIMP DA LOT**: els maglevan, els havevan, els cumpravon, els

vandevan, els plantavan ed els biagivan. Dantant chel de tgi Lot ò banduno Sodom, ògl pluia da tschiel fi e zolper e mazzo tots. Igl madem vign a capitar, cura tgi igl Feigl digl Carstgang cumpara (Lucas 17:28-30).

**21** Sa ragurde dalla donna da Lot. Chel tgi prova da spindrar la sia veta, vign a perder ella, e chel tgi perda la sia veta, vign a salvar ella (Lucas 17:32-33).

**22** Ia dei a vous, *lezza notg* vignan dus carstgangs a scher ainten letg; egn vign piglia se, l'oter vign laschea anavos. Dus donnas vignan a mular ansemen fregna; egn vign recepeida, l'otra betg. Dus omens vignan ad esser segl fons; egn vign accepto e l'oter betg (Matia 24:40-41; Lucas 17:34-36). Ed els on raspundia e detg ad El: "Noua, Signer?" Ed El ò detg ad els: "Noua tgi igl cadaver è, l'ò sa remnan igls tschess (Matia 24:28; Lucas 17:37).

**23 SEIAS VIGILANTS ED URE DA CUNTIGN**  
Igl è scu en om tgi vo ainten ena tera estra; avant tgi bandunar la sia atgna tgesa ò el surdo la responsablada a sies serviaints ed ò partia tiers a mintgign la sia lavour. Agl portier ò el cumando d'esser vigilant. Perche gl seias allert, pertge nign so, cura tgi igl Signer – igl patrung-tgesa – turna; la seira, da mesanotg, cura tgi igl cot canta u la dumang; senache gl tgi el catta vous betg durmond, schi el vign anetg e nunspitgia (Marcus 13:34-36).

**24** Vous savez esser sieirs: schi igl patrung-tgesa vess savia ordavant, cura tgi igl lader vign, fiss el sto attent e vess evito da lascher romper aint. Gist perche gl sa prepare, pertge igl Feigl digl Carstgang vign cura tgi nous spitgagn betg El (Matia 24:43-44).

**25** Sa pertgire d'ena veta schlascheda cun surbever e surmagler e betg duvre la vossa energiea per igls chitos da vossa veta da mintgade, uscheia tgi *chel De* tschiffa betg vous anetgamaintg cun en latsch. Seias vigilants ed ure sainza calar pertge vous savez betg cura tgi l'oura è cò. Pertge schi vous ischas betg preparos, niz ad esser surpiglias chel de scu da neir ainten ena trapla (Marcus 13:33; Lucas 21:34-35).

**26** E chegl tg'ia dei a vous, deia a tots: Seias vigilants ed ure sainza calar, per tgi vous vignas consideros degns e possas mitschier da tot chella misergia e dastgas cumpareir davant igl Feigl da Dia (Lucas 21:36).

**27** An verdad, ia dei a vous: *chesta generaziun* vign betg a svaneir anfignen tgi chels evenimaints sa cumplaneschan. Tschiel e tera vignan a svaneir, Mies plets dantant vignan a restar (Matia 24:34-35; Marcus 13:30-31; Lucas 21:32-33).


Sesend sen Sies tron glorious, igl Grond Rèt – igl Signer Jesus Cristus turna gio fitg prest puspe, cun gronda pussanza e gloria, accompagna da Sies anghels sontgs e da Sies sontgs.

Teme Dia e de onour ad El, pertge l'oura digl truamaint è rivada; adure El tgi ò fatg igl tschiel e la tera, la mar e las funtangas (Palentada 14:7)

**Igl Taimp na spetga betg ple!**

Igl Reginavel da Tschiel è ossa manevel. Fasche panatienztga e carte a chel evangeli.

Seias pront d'inscuntrar igl Signer, ties Dia!



*Igl Evangeli  
Digli Reginavel  
Da Dia*

Watch online through [www.angeltv.org](http://www.angeltv.org)

Vurde ANGEL TV  
Satellite :Eurobird 9A @9°  
Band :Ku  
Downlink Frequency :11.919GHz  
SymbolRate :27500Msps  
FEC :3/4  
Modulation :MPEG2  
Polarization :Vertical

Local Contact Address